



Komunikadu Imprensa

17 Dezembru 2012

Tribunál sira iha Timor-Leste hahú tama ba feriadu anuál durante fulan ida

Hahu 15 Dezembru 2012 too 15 Janeiru 2013, tribunál sira iha Timor-Leste tama ba períodu ferias anuál. Durante tempu ne'e tribunál hotu-hotu sei suspende prosesu julgamentu hot-hotu, exeptu ba kazu urgente ruma sei atende liu husi mekanismu turnus.

Feriadu no suspensaun servisu judisiáriu ne'e aleinde aplika ba Majistradu Juízes no Ministériu Públiku sira, aplika mos Defensória Públiku no ofisiál sira justisa nian.

JSMP rekoñese katak importante tebes ba majistradus no defensores públiku sira inklui ofisiál justisa atu hetan priviléjiu ne'ebé reflata sira nia pezu servisu, maibe JSMP hein katak depoisde períodu suspensaun hirak ne'e, tribunál sira bele hadi'a diak liu tan sira nia produtividade atu hametin justisa ba ema hotu tuir sira ida-idak nia papél, dehan Direitór Ezekutivu JSMP, Luis de Oliveira Sampaio.

Tuir Dekretu de Lei Nú. 20/2012, defini katak kada tinan iha majistradus sira inklui defensor públiku iha direítu ba feriadu anuál ne'ebé hahú husi 15 Dezembru – 15 Janeriu, durante tempu Páskua no dia 1 to'o 15 Agostu (Art. 1).

Aleinde ne'e iha kada ano sivíl majistradus no defensores públiku sira mós iha direítu atu goja lisensa anuál durante loron 25 ba sira ne'ebé asumi funsaun hanesan majistradus no defensor públiku liu ona tinan ida no ba hirak ne'ebé foin serve iha priódu primeíru semestrál hetan direítu loron 11. (Art. 2 (1) no (2) Dekretu Lei Nú. 20/2012.

Atu hetan informasaun kle'an liu tan favor kontaktu:

Luis de Oliveira Sampaio

Diretór Ezekutivu JSMP

info@jsmp.minihub.org

Telefone: 3323883 | 77295795

www.jsmp.tl